

蜀都碎事

清陳祥裔輯

第一冊

進步書局校印

蘇子衡

蜀都碑事序一

自地皇氏畫分疆宇而後夏商周列為九州秦并天下又區為三十六郡唐更十道宋元以來各以諸路名之其間山川城郭人物變遷之事繁矣正史括地統志輿圖而外往往家自為書人自為記以補見聞所不逮如金陵遺事武陵舊事諸書皆搜討者所必及然或未經親歷得之流傳則訛偽相承其不見諸于耳食幾希矣吾友耦漁先生弘博才也通守錦官幾歷年所簿領之暇拮拾羣書廣諮故老上溯蠶叢魚鼈下及歷代凡可以備輶軒供考證者靡不悉載蔚成一編以繼蜀檮杌之後嗚呼可謂勤矣昔崔祖濟向羊腸阪而知有二蕭子良登秦望山范雲預覓碑處諳其句讀及期畧皆上口卒為上賓苟非平時探索功深臨事詎能猝對耶予性耽披閱苦卷帙缺畧且慕虎牙熊耳白帝青城之勝未能裹糧一游今得耦漁先生是集不啻置身杜陵老花蕊夫人吟嘯處也其即水經山海之書與抑即識商羊之尼父辨臺駘之國僑識俞兒之敬仲知乘龍之壯武也與予不敏敢先乞副草以作卧遊之一助

康熙辛巳秋初湖上同學 小弟蘇輪拜葉

序二

巴蜀之地民殷國富西南一大都會也而自古迄今有以功業特傳有以隕越遺誚者何哉莊子曰六合之內聖人論而不議非不議也寓議于論有不見也故山海經水經既申禹貢而郭璞鄭道元關駟梁載言樂史王存歐陽志祝穆陳循蕭德言諸子猶必分其綜括其事各以其書鳴其于夫人之際星紀從忒沿革廢興風土人物靡不言之周晰凡欲幼學壯行者察地利辨人情為致君澤民具耳若夫巴蜀陸有巖崖劍門棧閣金雞之險三巴三峽益以青衣羊山馬湖衆水滙流石橫矗當隘激狂瀾若雷舟上下失勢而氏獠黎焚六詔之地偏處西南旨哉孔明隆中之對也一日險塞再曰巖阻使非才智養于居恒忠勇奮于旦夕鮮克勝任此張唐英所以有蜀檣杭之作乎宋之去今又五百餘載時移物換因革良多懷瑾握瑜之士有志搜輯輒以未得涉歷為恨 耦漁先生博聞強識素抱奇才一揮出守適贊治于益州公餘凭眺遇音賢橫戈躍馬之場誓水盟神之地必有紀述間于美景良辰花朝月夕登籌邊樓俯江山佳麗坐桃笙斟卮酒陳設濤箋盈几文以記之詩以詠之亦時為長短句以發其攬轡澄清之志奚囊凡幾諸體畢備庚辰之歲以凝香詞集先

登梨棗一時紙貴第蜀都碎事一書所載軼事如昔有今無中廢後舉者或得之見聞或參之載籍考證精確典雅弘深誠寓經術于游藝中補櫛朽之未逮不徒以文章自鳴等之於于蓋衆者也是宜急公海宇備皇興之採擇傳之不朽而予更有進焉先生年方強壯賸書詞訟聽受應酬五官竝用悉皆瞻舉即劉僕射當日要亦無逾于此今守桐汭彼州人士望若神君不次之擢無慮指顧異日嘉謨嘉猷炳垂史冊其足為世準則者必能倍蓰于是書請以斯言券

時

大清康熙四十年歲次辛巳仲冬上浣年家晚生古杭聶鼎元頓首拜題于桐汭官署之一梅亭

蜀都碎事卷之一

清 陳祥裔耦漁輯

四川禹貢梁州之域。自蠶叢魚鳧而下。不通中國者千有餘載。至苴蜀相攻。秦拔苴滅蜀。及巴而郡縣之。漢曰廣漢。武帝始置益州部。唐初置劍南道。為西川。後增置東川府于梓州。于是稱兩川焉。

成都府古蜀國。秦曰蜀郡。漢曰廣漢。曰益州。蜀漢都此。晉曰成都。曰錦城。唐曰劍南。曰南京。曰西川。明為成都府。龍安府。秦氏羌地也。漢曰陰平。後魏曰江油。隋曰平武。唐曰龍門。宋曰龍州。明為龍州宣撫司。今改為龍安府。順慶周雍州地。春秋戰國為巴子國。秦漢屬巴郡。漢宋曰宕渠。隋曰巴西。唐曰南充。曰果州。宋曰順慶。曰寶慶。元曰東川。明曰順慶府。今因之。保寧古葭萌地。按葭萌苴侯名。蜀侯弟也。春秋巴國地。漢曰巴西。晉曰閬中。梁曰南梁。西魏曰隆州。唐曰保寧軍。宋曰閬州。曰安德。元曰保寧。明曰保寧府。重慶即周之巴子國。秦置巴郡。漢曰江州。漢末曰永寧。梁曰楚州。隋曰渝州。唐曰南平。宋曰重慶。明亦曰重慶。夔州府。周之魚腹國也。春秋為夔子國。秦屬巴郡。漢曰永寧。曰巴東。蜀漢曰固陵。梁曰信州。唐曰雲安。曰夔州。國

朝因明之夔州府。叙州府。古夔國。漢犍為郡。梁隋曰戎州。唐曰南溪。宋曰叙州。明曰叙州府。馬湖。古夔侯國。夷獠所居。漢武通西南夷。始置郡縣。曰犍為。曰牂牁。唐曰馬湖。至今仍之。遵義。漢夜郎且蘭地。屬牂牁郡。唐曰郎州。後沿于南詔。太原人楊端收復之。遂世其土為安撫司。元為宣撫司。萬曆二十六年。楊應龍反。平之。改遵義府。潼川。漢曰郪。曰廣漢。蜀漢曰梓潼。晉曰新都。梁曰新州。西魏曰昌城。隋曰梓州。唐曰東川。宋明曰潼州。瀘州。東漢曰江陽。梁曰瀘州。隋唐宋曰瀘川。明入改為瀘州。嘉定。秦蜀郡地。漢屬犍為郡。曰漢嘉。隋曰眉山。唐宋曰嘉州。明曰嘉定州。邛州。周職方屬雍。秦曰臨邛。梁曰邛州。西魏曰蒲原。明仍曰邛州。眉州。漢蜀犍為。西魏曰眉州。漢蜀犍為。西魏曰眉州。梁曰青州。曰齊通。隋曰眉山。曰通義。宋曰眉州。雅州。秦漢曰嚴道。屬蜀郡。西魏曰蒙山。隋曰臨邛。唐宋明曰雅州。蜀都之經界。畧見于此矣。

川者穿也。水穿地中。故曰川。岷江一水也。瀘一水也。犍一水也。渝一水也。蜀江之水非一。而岷瀘犍巴為四大川也。四川之名。所繇昉與。一曰宋南渡後始分益利夔梓為四路。故曰四川。說文

桂太傅芻曰。四川地饒而險阨備。劍閣表雲棧之固。瞿塘鎖巴峽之流。但松潘孤城。

介在西北番域。而寄咽喉于龍州。千里轉運。慮為曩阨。烏撒芒部諸夷。內相結黨。數起兵釁。且于叙瀘有唇齒之重。皆隱禍也。建昌六衛屬行都司。偏處西南。自為巢區。保順衝疲。民朴務簡。馬湖僻小。民彞相安。非所憂矣。

周末殺萇弘于蜀。血碧色。入地化為碧玉。數里內土皆青色。故蜀有青泥坊。杜工部詩云。煮飯青泥坊裏片。即此。

張儀築大城。屢頽。忽有大龜出于江儀。以問巫。巫曰。隨龜築之。功果就。故人稱龜城。今有龜化橋。

又有小城在子城西南之三壁東。即大城之西墉。張儀既築大城。後一年。又築小城。樓曰白兔樓。

摩訶池在成都府西。隋蜀王秀取土築廣子城。因為池。有胡僧見之。曰。摩訶宮毘羅蓋梵語。呼摩訶為大宮。毘羅為龍。謂此池廣大有龍耳。方輿勝覽

摩訶池一名汙池。陳人蕭摩訶所聞也。

王建武成元年。改摩訶池為龍躍池。蜀棣

建將薨。兩月。摩訶池有鷄鵠來集。行即位。仍改龍躍池為宣化池。王氏開國記

摩訶池在王蜀宮中。舊時泛舟入此池。曲折十餘里。至宋世。蜀宮後門已為平陸。然猶呼為水門也。

渭南集

蜀主孟昶夜起避暑摩訶池。詞云。冰肌玉骨清無汗。水殿風來暗香滿。繡簾一點月窺人。欹枕釵橫雲鬢亂。起來瓊戶啟無聲。時見疎星渡河漢。屈指西風幾時來。只恐流年暗中換。

按此池填為蜀藩正殿。西南尚有一曲水光漣漪。隔岸林木蒼鬱。遊者寄古思焉。今改為貢院。

蜀王衍常裹小巾。其尖如錐。宮女多衣道服。簪蓮花冠。施胭脂夾臉。號醉粧。北夢瑣言

蜀王衍醉粧詞者。邊走那邊走。只是尋花柳。那邊走者。邊走。莫覓金杯酒。

九葉芸香艸。出黎州。嬪人結為繩。以辨髮香。經月不散。亦南楚零陵香之類也。

螢火大如蜨螂。足多而色黑。背有甲物。觸之則卷曲如蠅尾。後火光雙出。予初見之。以為異物。詢之土人。乃知其為螢火也。

昇仙橋在成都府北門外。魚鳧王張伯子俱乘虎仙去。橋因以名。司馬相如東遊題其柱曰。不乘駟馬車。不復過此橋。今橋邊勒石曰。駟馬橋。

支機石。卽海客携來自天河所得。織女命問嚴君平者。太尉燉煌公好奇尚異。命工人鑄取支機一片。欲為器用。椎琢之際。忽若風簷墜于石側。如此者三。公知其靈物。乃已之。至今所刻之跡猶存。石在蜀之西南隅。石牛寺之側。出土而立。高可尺餘。色微紫。近土有一窩。似機足所支處。上鐫支機石三字。篆文似隸。而道媚有致。似唐人書跡。原在嚴真舊址。今人民家菜園中。旁有石碣曰嚴君平賣卜處。

龍鏡潭。在廣安州。水圓如鏡。宋刻龍鏡二字于石。至今猶在。

賽蘭香。花小如金粟。馥郁可愛。戴之髮髻。香聞十步。經月不散。佛經所謂伊蘭也。

托諾河。在鎮雄軍民府。彝語松曰托。沙石曰諾。以此河畔有松樹沙石故名。

灼灼。錦城妓也。善舞柘枝。能歌水調。御史裴質與之善。裴召還。灼灼每遣人以輦絹。

集麗情

蜀有王曰杜宇。號曰望帝。禪位于鰲靈。號曰開明氏。升西山隱焉。時適二月。子鵲鳥

鳴。故蜀人悲之。聞子鵲鳴。卽曰望帝也。

李膺蜀志

杜鵑大如鵲。而羽烏。聲哀而吻有血。春至則鳴。

華陽風俗錄

楊柳多寄生。狀類冬青。經冬不凋。春夏之交。作紫花。散落滿地。冬月望之。榮枯各異。

火井在印州治西八十里。欲出其火。先以家火投之。須臾焰出。光照十里。以竹筒盛接。有光無反。取以煮鹽。一斛水可得五斗。家火煮之則鹽少。

滴乳泉在瀘州城西真如寺。自崖中流出。味甚甘。魯直經行大書此三字。按山谷集中云。瀘州大雲寺西偏崖石上有泉滴瀝。一州泉味皆不及也。余名曰滴乳泉。

保寧府通江縣北南壩寺。唐建也。每歲端陽前後有蛇自柱礎間出。沿階滿室。昔人傳云。三萬四千尾。大小顏色非一種。然不為害。按此即巴蛇洞天。

黃連以洪雅榮經者為上。大如指。多刺。內金紅色。土人束以貨之。謂把連。亦不多有。他產謂之水連。色黃而細。功遠不及把連矣。

薛濤井。舊名玉女津。在東門外錦江南岸。水極清冽。有碑鐫薛濤井三字。今卧于井側蔓草中。

薛濤井。久屬藩部。環以欄盾。人不敢汲。常備製箋之用。每歲以三月三日。汲此井水。造箋二十四幅。入貢一十六幅。餘留藩部。所以餽送遠近縉紳。想皆他日倣作。未必以三月三日為期也。然市肆絕無買者。公暇偶過之。惟見堂室數楹而已。益部談資

元和之初。薛濤好製小詩。惜其幅大不欲長。臈乃狹小之。蜀中才子亦以為便。後皆

減小諸箋名曰薛濤箋

舊志

益州舊貢薛濤十色箋短狹纔容八行

案字記

蜀箋十樣曰深紅淺紅杏紅明黃深青淺綠銅綠淺雲又有松花金沙彩霞諸色十

者舉成數耳

成都古今記

薛濤字洪度本良家子八歲即能詩曉音律其父一日坐庭中指井梧曰庭除一古
桐登榦入雲中濤即應聲曰枝迎南北鳥葉送往來風後父郾因官寓蜀而卒母孀
居濤及笄以詩聞外又能掃眉塗粉與士族不侔客有竊與之燕語者時中令韋臯
鎮蜀召令侍酒賦詩因入樂籍中令議以校書郎奏請護軍曰不可遂止濤出入幕
府自臯至李德裕凡歷十一鎮皆以受知名士元稹白居易輩酬唱頗多暮年著女
冠服屏居浣花溪有詩五百首胡僧贈以詩曰萬里樓臺女較書琵琶花下閉門居
掃眉才子知多少領取春風總不如濤因連帥怒而遠之乃作十離詩以獻謂大離
主筆離手馬離廐鸚鵡離籠燕離巢珠離掌魚離池鷹離架竹離亭鏡離臺遂復喜
焉

禹穴在石泉縣北石紐邨大禹生此石穴杳深人跡不到掘地得古碑有禹穴二字

女狄汲石紐山下泉水中得月精如雞子。愛而吞之。遂有娠。乃生禹。帝王世紀

龍澄。夔郡人也。嘗于大瀼水中。見一石合。採取之。獲玉印五。文字非世間篆籀。忽有神人詫之曰。玉印乃上帝所寶。昔授禹治水。水治。復藏名山大川。今守護不謹耳。可亟投原處。澄如言。後登上第。

萬里橋。在成都府南門外。以石為之。高三丈。寬半之。長十餘丈。架錦江上。相傳以孔明送吳使張溫曰。此水至揚州萬里。因以名橋。或曰。費禕聘吳。孔明送之曰。萬里之行。始于此矣。其說雖殊。名橋之義則一。

竹鼯。大如貓。灰黑色。善食竹根。烹食。味極鮮美。亦可醢食。其皮毛溫厚。可製衣褥。春時每夜半有鳥鳴。其聲曰。點燈捉跖蚤。歷歷分明。問之土人云。昔有夫婦為蚤所咬。起來點燈。時久雨。被房倒壓死。因化為鳥。飛必正之。亦可異也。

九折坂。在雅州邛崃山。即王陽回車王尊叱馭處。樊道有牛叩頭坂。馬搏頰坂。其險如此。華陽國志

宋蘇實。治平間為新都令。有異政。嘗厭衛湖蛙鳴。令人取一大者。以硃點之。戒曰。毋再喧聒。已果不鳴。及湖中涸。群蛙結聚成團。啟視之。則硃點者居中。群蛙若擁翼焉。

蘇令悉放之于江終其任湖蛙無一鳴者湖在新繁縣蜀漢縣令衛常所開在學宮後

戰國時蜀災昏墊杜宇居于蜀不能治舉荊人鰲靈治之水既平乃禪以位死皆葬于郫今郫縣南一里許兩塚對峙若丘山杜宇墓人猶有知者獨鰲靈墳隸淨林寺中今僧平其塚為臺觀矣夫鰲靈之功不下于禹而誦明德不及焉蜀人可謂負德矣然亦守土者之責也

黃連雞大如鵠羽色黃白食黃連葉以其無所用故人不捕焉

蜀人奉二郎神甚虔謂之川主其像俊雅衣黃服旁立扈從擎鷹牽犬然不知為何神詢之土人莫有知者而什邡縣治北四十里有章山乃大蓬之闕也古有高景闕即雒縣廢址有神祠曰大郎廟神夢中得古碑曰大安王神宣大安與大郎字聲之訛耶抑因灌縣二郎之號而倣以稱之也是皆不然謹按名宦志上古禹治洪水西南經界未盡迨秦昭王時蜀刺史李冰行至湔山見水為民患乃作三石人以鎮江水五石牛以壓海眼十石犀以壓海怪遣子二郎董治其事因地勢而利導之先鑿離堆山以避沫水之害三十六江以次而沛其流由是西南數十州縣高者可種低者

可耕。蜀中沃野千里。號為陸海。一日循視水道。至廣漢郡游石亭江而上。故有馬沼河之名。至後城山。遇羽衣徐謂李公曰。公之德澤入于民也深矣。公之名注天府久矣。上帝有命來迎。遂昇天而去。今祠嶺之西。即後城治上應畢宿。又有禮斗峯。昇仙臺之名。要非浪傳也。事聞當宁。勅封昭應公。至漢時。加封大安王。以其大安蜀民故也。元至順元年。更封聖德寬裕英惠王。其子二郎神。封為英烈昭惠靈顯仁佑王。而平武縣玉虛觀有宋御製封二郎神碑。今見存可考。世以為姓張。又為天帝之甥。則流俗傳訛也。

灌縣離堆山。即李冰所鑿。以導江處。上有伏龍觀。下有深潭。傳聞二郎鑱孽龍于其中。霜降後水落時。見其鑱云。每有神魚遊潭面。僅露背鬣。其大如牛。投以石。魚亦不驚。人亦不敢取之。誠異物也。

簡州道遙洞。有漢篆十二字云。漢光元年四月十八日會仙友。旁書東海仙集留題。乃古隸字。

火米。蜀皆有之。以稻穀蒸熟。然後舂以為米。即南中之蒸穀米也。但蜀盛行之耳。又有稻米作飯甚香。食之令人脹。曰香稻米。

益州方物。有海樓。有楠。有檜。有竹柏。有紅豆。有海芋。有紫竹。有慈竹。有樓竹。有方竹。有柑。有赤鷄芋。有綠葡萄。有天師粟。有天仙果。有隈支。有錦被堆。有錦帶花。有石蟬花。有長生艸。有瑞艸。有紅蕉花。有重葉海棠。有月季花。有佛豆。有漆色拒霜花。有黃酴醾。有艾子。有鴛鴦艸。有虞美人艸。有仙人稻。有羞寒花。有瑞聖花。有七寶花。有旌節花。有娑羅花。有木槿花。有鴛毛玉鳳花。有藹。有真珠菜。有朝日蓮。有蟬花。有煇麻。有水硫黃。有附子。有石瓜。有芎。有大黃。有餘甘子。有金星艸。有桐花鳳。有紅桐。有紫有荏雀。有護花鳥。有百舌。有狢。有花羊。有襍。有鮑魚。嘉魚。鮓魚。黑頭魚。沙魚。石鱉魚。有金蟲六十餘種。

宋祁海樓贊云。樓皆禿皮。此獨自幹。攢葉于顛。纛首披散。秋華而實。其值則罕。

按似樓然。不皮而幹。葉叢于杪。至秋乃實。似練子。杜工部有左綿海樓行。

楠贊云。在土所宜。亭擢而上。枝枝相避。葉葉相讓。繁陰可蔭。美幹斯仰。

檜贊云。厥植易安。數歲輒林。民賴其用。實代其薪。不棟不榱。亦被斧斤。

竹柏贊云。葉與竹類。綴理如柏。以狀得名。亭亭修直。

按竹柏生蛾眉山中。葉繁長而澤似竹。然其幹類柏而亭直。

海芋贊云。木幹芋葉擁踵盤戾。農經弗載。不用治厲。

按海芋生不高四五尺。葉似芋而有幹。根皮不可食。方家號隔河仙。云可用變金。或云能止癰。今俗呼為觀音蓮。

紅豆贊云。葉圓以澤。素葩春敷。子生莢間。累累綴珠。

按紅豆花白色。實若大紅豆。以似得名。葉如冬青。蜀人以為果釘。

紫竹贊云。竹生三歲。色乃變紫。伐幹以用。西南之美。

慈竹贊云。根不它引。是得慈名。中實外堅。筍不時萌。末或下垂。再弱綠紫。

按慈竹性叢生。根不外引。其密間不容筍。生夏秋節。修膚緻土。人用以代繩。

梭竹贊云。葉梭身竹。族生不蔓。有皮無枝。實中而幹。

方竹贊云。竹筍皆圓。此獨方形。厚培于竅。細節稜稜。

柑贊云。碧葉素葩。厥包之珍。舟衷既披。香液飴津。

赤鷄芋贊云。芋種不一。鷄芋則貴。民儲于田。可用終歲。

按蜀芋多種。鷄芋為最美。俗名赤鷄頭芋。形長而圓。但子不繁衍。又有蠻芋亦美。其形則圓。子繁衍。人多時之。最下為樺果芋。樺接也。言可接果。山中人多食。

之惟野芋人不食。本州有六種曰青芋。曰紫芋。曰白芋。曰真芋。曰蓮禪芋。曰野芋。

綠葡萄贊云。西南所宜。柔蔓紛衍。縹穗綠實。其甘可薦。

天師栗贊云。栗類尤衆。此特殊味。專蓬若橡。託神以貴。

按天師栗。生青城山中。它處無有也。似栗味美。久食已風癰。

天師果贊云。有子孫枝。不葩而實。薄言采之。味埒蜂蜜。

按樹高八九尺。無花。其葉似荔枝而小。子如櫻桃。累累綴枝。六七月熟。味至甘。

隈支贊云。捫榦既修。結葩茲白。戟外澤中。甘可以食。

按樹生邛州山谷中。高丈餘。枝修弱。花白。實似荔枝。肉黃。膚甘。大如雀卵。

錦被堆贊云。花跗芬侈。叢刺于梗。不可把玩。艷以妍整。

按花出彭州。其色一似薔薇。有刺。

錦帶花贊云。苒苒其條。若不自持。綠葉丹英。蔓衍紛垂。

按蜀山中處處有之。長蔓柔纖。花萼間側如藻。帶花開形如飛鳥。土人呼為鬚。

邊嬌。